

Ministernan a hala baricada y habri Caya Sint Maarten



ORANJESTAD (AAN) "San Nicolas only deserves nothing more than the best" cu e palabranan di Alice Godet Prome Minister Mike Eman hunto cu Minister ing. Mike de Meza, Benny Sevinger y Arthur Dowers a hala kita baricada habri Caya Sint Maarten y e plaza cu tin dilanti e Hulpbestuurskantoor oficialmente.

Village awor ta conta cu un caminda y acera di klinkers dorna cu matanan, ainda falta algun detaye manera iluminacion cu pal'i luznan LED. Gabinte Mike Eman lo sigui traha riba e otro cayanan di Village cu lo keda mescos cu Caya Sint Maarten. Asina drenta e centro di San Nicolas awor tin un rotonde cu e strea cora di bandera di Aruba. E trabaonan pa mehora calidad di bida pariba di brug ta sigui cu diferente proyecto cu lo "upgrade" e actual infraestructura deteriora.

Caya Sint Maarten ta un caya hopi importante pa Village pasey a scohe esaki como e punto pa duna inicio na e trabaonan di renobacion. E inauguracion di Caya Sint Maarten a cuminsa cu un "jump up" chikito acompaña cu brassband for di pariba bin te pabou di e caya. Despues di e parti oficial cu diferente discursonan, Youth Extreme a anima publico presente. E ceremonia oficial a culmina ora minister nan presente a hala kita e bari-

cada cu tabatin e caya cera pa trafico memey di un multitud di hende cu a aplaudi e bon trabao haci pa pueblo di San Nicolas.